

ქ. თბილისი

11 ივლისი 2018 წელი

ერთის მხრივ, სსიპ „აწარმოე საქართველოში“ (შემდგომში - „შემსყიდველი“) წარმოდგენილი დირექტორის მოვალეობის შემსრულებლის ლიზა თავდუმადის სახით (მის: ქ. თბილისი, მარჯანიშვილის №5/16-18, ტელ: +995 32 2960010, ს/კ: 204582763, საბანკო რეკვიზიტები: სახელმწიფო ხაზინა, კოდი: TRESGE22, ა/ა 200122900)

შპს „თეგი“ (შემდგომში - „მიმწოდებელი“) წარმოდგენილი დირექტორის სალომე კვარაცხელიას სახით (იურიდიული მის: ქ. თბილისი, აკ.წერეთლიგაძე. N 67 ბ. 7 ს; ფაქტიური მისამართი: თბილისი, ერისთავის 1; ს/კ: 402 017 526 ; საბანკო რეკვიზიტები: ს.ს. „თბილისი ბანკი“, კოდი: TBCBGE22 ა/ა GE GE38TB7119536020100002),

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანების მე-3 მუხლის პირველი პუნქტის „დ“ ქვეპუნქტისა და საქართველოს მთავრობის 2018 წლის 11 იანვრის №32 განკარგულების საფუძველზე, საჯარო სამართლის იურიდიული პირის - აწარმოე საქართველოში (ო/კოდი 24 07 02) 2018 წლის დაფინანსების ფარგლებში, გამარტივებული შესყიდვის საშუალებით (SMP170002873), ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) „შემსყიდველსა“ და „მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მოწოდებას ხელშეკრულების ფარგლებში.
- 1.6. „საქონელი/მომსახურება“ - ხელშეკრულების მე-2 მუხლით გათვალისწინებული შესყიდვის ობიექტი.

2. ხელშეკრულები საგანი და შესყიდვის ობიექტი

- 2.1. ხელშეკრულების საგანია საჯარო სამართლის იურიდიული პირის „აწარმოე საქართველოში“ მიერ საინვესტიციო გარემოს ხელშეწყობის მიზნით საინფორმაციო ბროშურებისა და კატალოგების ბეჭდვის მომსახურებების სახელმწიფო შესყიდვა (CPV 79810000).
- 2.2. შესყიდვის ობიექტის დასახელება, აღწერილობა, რაოდენობა განისაზღვრება დანართი #1-ს შესაბამისად.
- 2.3. დანართი #1 თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება განისაზღვრება ეროვნულ ვალუტაში და შეადგენს 7,540.00 (შვიდი ათას ხუთას ოთხმოცი) ლარს.
- 3.2. ბეჭდვითი მომსახურებისა და მომსახურების გაწევის შედეგად დასამზადებელი პროდუქციის ერთეულის ფასი მოცემულია დანართ #1-ში.
- 3.3. ხელშეკრულების ღირებულება მოიცავს შესყიდვასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა სახის გადასახადისა და მოსაკრებლის ჩათვლით.

4. შესყიდვის ობიექტის მიწოდების ვადა და ადგილი

- 4.1. გაწეული მომსახურების შედეგად დამზადებული პროდუქციის მოწოდება მიმწოდებლის მიერ განხორციელდება 2018 წლის 19 ივლისის ჩათვლით.
- 4.2. მომსახურების მიწოდების ადგილია: ქ. თბილისი, მარჯანიშვილის №5/16-18, შემსყიდველი ორგანიზაციის ოფისი.

5. მხარეთა ვალდებულებანი

- 5.1. „მიმწოდებელი“ ვალდებულია:
 - 5.1.1 უზრუნველყოს მომსახურების გაწევა ხარისხიანად და გაწეული მომსახურების შედეგად დამზადებული პროდუქციის მოწოდება ნივთობრივად და უფლებრივად უნაკლო მდგომარეობაში ხელშეკრულების პირობების შესაბამისად.
 - 5.1.2 ნაბეჭდი პროდუქტი დამზადებული უნდა იყოს მაღალ პოლიგრაფიულ დონეზე (ნაბეჭდი ასოები იკითხებოდეს გარკვევით, კონტურები მკაფიო, ფერები ნათელი, არაბუნდოვანი);

5.1.3 უზრუნველყოს შემსყიდველის მიერ ჩატარებული შესყიდვის ობიექტის ინსპექტირების შედეგად გამოვლენილი ნაკლის აღმოფხვრა (ტრანსპორტირების ჩათვლით), მათ შორის წუნდებული პროდუქტის შეცვლა ახლით, საკუთარი ხარჯით ხელშეკრულების მოქმედების განმავლობაში, ასეთი ნაკლის აღმოჩენიდან შემსყიდველთან შეთანხმებულ გონივრულ ვადაში.

5.2. „შემსყიდველი“ ვალდებულია

5.2.1 უზრუნველყოს მიმწოდებლისათვის საბეჭდი PDF ფაილების მიწოდება;

5.2.2 უზრუნველყოს მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

6. ინსპექტირების პირობები

6.1. მიმწოდებლის მიერ ხელშეკრულებით ნაკისრი ვალდებულებების შესრულების ინსპექტირებას, ხეშეკრულების მიმდინარეობის ნებისმიერ ეტაპზე, შემსყიდველის მხრიდან განახორციელებს სსიპ „აწარმოე საქართველოში“ საზოგადოებასთან ურთიერთობის ოფიცერი ანა მაჭავარიანი.

6.2. ხელშეკრულების მიმდინარეობის კონტროლის მიზანს წარმოადგენს:

ა. მომსახურების გაწევის ვადების ხელშეკრულების მოთხოვნებთან შესაბამისობის დადგენა;

ბ. გაწეული მომსახურების ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა.

გ. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება.

6.3. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6.4. ინსპექტირების შედეგად ყველა გამოვლენილი ხარვეზის ან ნაკლის აღმოფხვრა და მასთან დაკავშირებული ნებისმიერი ხარჯის ანაზღაურება ეკისრება მიმწოდებელს საქართველოს კანონმდებლობით დადგენილი წესით.

6.5. ამ მუხლის არც ერთი პუნქტი არ ათავისუფლებს მიმწოდებელს წინამდებარე ხელშეკრულებით გათვალისწინებული ვალდებულებებისაგან.

7. მომსახურების მიღება-ჩაბარების წესი

7.1. მომსახურება გაწეულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.

7.2. მიღება-ჩაბარების აქტში ნაჩვენები უნდა იქნას გაწეული მომსახურების ღირებულება.

7.3. მიღება-ჩაბარების აქტი მხარეთა შორის გაფორმდება ერთიანად, გაწეული მომსახურების შესაბამისად.

7.4. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ხელშეკრულების მე-6 მუხლის 6.1. პუნქტში მითითებულ პირ(ებ)ს ერთობლივად ან ცალ-ცალკე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

8.1.1. ანგარიშსწორების ვალუტა _ ლარი;

8.1.2. ანგარიშსწორების ფორმა _ უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. ანგარიშსწორება განხორციელდება ერთიანად, გაწეული მომსახურების შესაბამისად, მხარეთა შორის გაფორმებული მიღება-ჩაბარების აქტის საფუძველზე, დოკუმენტის სრულყოფილად გაფორმებიდან არაუგვიანეს 10 (ათი) სამუშაო დღის განმავლობაში.

9. მხარეთა პასუხისმგებლობა ხელშეკრულების დარღვევისას

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, ხელშეკრულების დამრღვევ მხარეს დაეკისრება პირგასამტეხლო, ყოველ ვადაგადაცილებულ დღეზე შესრულებელი ვალდებულების ღირებულების 0.02%-ის ოდენობით. იმ შემთხვევაში, თუ ხელშეკრულების ერთ-ერთი მხარის მიერ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.1%, მაშინ მეორე მხარეს უფლება აქვს გავიდეს ხელშეკრულებიდან და მოსთხოვოს ხელშეკრულების დამრღვევ მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.2. მხარეთა მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, გარდა ხელშეკრულების 9.1. და 9.3 ქვეპუნქტებით გათვალისწინებული შემთხვევებისა, ხელშეკრულების დამრღვევ მხარეს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების 0.02%-ის ოდენობით. იმ შემთხვევაში, თუ ხელშეკრულების ერთ-ერთი მხარის მიერ არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.1%, მაშინ მეორე მხარეს უფლება აქვს გავიდეს ხელშეკრულებიდან და მოსთხოვოს ხელშეკრულების დამრღვევ მხარეს

ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.3. მიმწოდებლის მიერ ხელშეკრულების შეწყვეტის ან მიმწოდებლის მიერ ხელშეკრულებით ნაკისრი ვალდებულების არაჯეროვნად შესრულების ან შეუსრულებლობის გამო შემსყიდველის მიერ წინამდებარე ხელშეკრულების შეწყვეტის შემთხვევაში, შემსყიდველი უფლებამოსილია მიმწოდებელს დააკისროს **10%-ის** ოდენობით.

9.4. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა და შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს ხელშეკრულების თავდაპირველი ღირებულების 10%-ის ფარგლებში, სხვა რისკებს იღებს მიმწოდებელი.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად შეწყვიტოს ხელშეკრულება.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმდებმა მხარემ 5 (ხუთი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ხელშეკრულების მოქმედების ვადა

12.1. ხელშეკრულება ძალაში შედის წინამდებარე **ხელშეკრულების ხელმოწერის დღიდან და მოქმედებს 2018 წლის 31 აგვისტოს ჩათვლით.**

13. დავები და მათი გადაწყვეტის წესი

13.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ფორს-მაჟორი

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

14.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

15. ინტერესთა კონფლიქტი

15.1 შემსყიდველის მხრიდან წინამდებარე ხელშეკრულებაზე ხელმოწერი პირი ხელისმოწერით ადასტურებს, რომ მიმწოდებლის მიმართ სრულად აკმაყოფილებს „სახელმწიფო შესყიდვების შესახებ“ საქართველოს კანონის მე-8

მუხლით დადგენილ ინტერესთა კონფლიქტის თავიდან აცილების პირობებსა და წესებს და მისი მონაწილეობა აღნიშნულ შესყიდვაში არ იწვევს ინტერესთა კონფლიქტს.

16. სხვა პირობები

16.1 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე ორი თანაბარი იურიდიული ძალის მქონე ეგზემპლარად და ინახება ხელმოწერ მხარეებთან.

17. მხარეთა რეკვიზიტები

„შემსყიდველი“
სსიპ „აწარმოე საქართველოში“

დირექტორის მოვალეობის შემსრულებელი
ლიზა თავდუმაძე



მიმწოდებელი
შპს „თეგი“


დირექტორი
სალომე კვარაცხელია




დასახელება	ერთეულის ფასი	რაოდენობა	თანხა
<p>კატალოგი ზომა: 29.5სმx21სმ, შიგთავსი: 84 გვერდი, პრიალა ცარცი 130 გრ, ბეჭდვა 4/4,მატი დისპერსიული ლაქი 1/1;• ყდა: 4 გვერდი, გლუვი ცარცი 300 გრ, ბეჭდვა 4/4, გლუვი ლამინაცია 1/0;• აკინძვა: თერმო+შეკერვა</p>	12.80	500	6,400.00
<p>ყდის ჩათვლით – 16 გვერდი; ფორმატი – 20X19.5სმ ყდა: ბეჭდვა – ორმხრივად სრულფერიანი (4+4), ცარცი, გლუვი ცალმხრ ივი ლამინაცია, ქაღალდი ყდა – 300 გრ; შიდა – 200გრ ცარცი; ბეჭდვა CMYK-ის ფერებში 4+4; აკინძვა – სტეპლოერით;</p>	3,8	300	1,140.00
			სულ: 7,540.00

„შემსყიდველი“
სსიპ „აწარმოე საქართველოში“

დირექტორის მოვალეობის შემსრულებელი
ლიზა თავდუმამე


(ხელმოწერა)



მიმწოდებელი
შპს „თეგი“

დირექტორი
სალომე კვარაცხელია


(ხელმოწერა)

